

冷廬醫話  
四卷



冷廬醫話卷二



桐鄉 陸以湑 定圃氏著

古人

京師先醫廟始於明嘉靖間

按元貞元間建三皇廟內祀三皇並歷代名醫十餘

人至是始定為先醫廟

本朝因之中奉伏羲左神農右黃帝均南面句芒風后東位西向祝融力牧西位東向東廡僦貸季天師岐伯伯高少師太乙雷公伊尹倉公淳于意華陀皇甫謐巢元方藥王韋慈藏錢乙劉完素李杲皆西向西廡鬼與區俞耐少俞桐君馬師皇神應王扁鵲張機王叔和抱



朴子葛洪真人孫思邈啟元子王冰朱肱張元素朱彥  
修皆東向以北爲上歲以春冬仲月上甲遣官致祭按  
韋慈藏名訊道唐人施藥濟世因有藥王之稱今世俗  
之祀藥王者塑像爲卉服而以王爲皇未知出何典故  
渤海秦越人受桑君之秘術遂洞明醫道以其與軒轅  
時扁鵲相類乃號之爲扁鵲又家於盧國乃命之曰盧  
醫世或以盧扁爲二人繆矣語見楊元操集注難經序  
凡爲名醫必有傳授之師如孫文垣一奎之師黃古潭  
張景岳介賓之師金夢石此皆青出於藍而師之名轉  
賴徒以傳漢張仲景稱醫中之聖其師爲張伯祖自非

仲景誰復知有張伯祖哉傳道貴得其人非獨聖門為然矣

張仲景醫中之聖也華元化醫中之仙也二人同時范氏祇為元化作傳烏得稱良史乎

明代以醫名而為顯官名列史傳者有二人曰許紳曰

王綸許官尚書因醫而始顯者也王官巡撫既顯而猶

醫者也然許能拯世宗於已絕事見明史而野獲編今

嘉靖壬寅年上寢於端妃所宮婢楊金英等相結行弑

用繩繫上翻布塞上日以數人踞上腹絞之已垂絕矣

幸諸婢不諳縮結之法繩股緩不收戶外聞咯咯聲孝  
烈皇后率眾人解之今言云西苑宮人之變聖躬甚危  
紳用桃仁紅花大黃諸下血藥辰時進之未時忽作聲  
去紫血數升申時遂能言又三四劑平氣活血聖躬遂

命重查活  
卷二 古人



安次年紳以用而不能自療其驚悸明史紳得疾曰曩者宮變吾自分不

效必殺身因此驚悸王所在治疾無不立效而不能自

知服藥之誤續名醫類案節齋得心腹疾訪峨眉道者

焙製未徹者乎曰有之常服補陰丸數十年矣中用

甲酒炙而入之曰是矣宜亟歸節齋遽投檄歸至安間下赤色小龜醫豈易為哉

無數而卒元史方伎傳醫家僅列李東垣言其學於傷寒癰疽眼

目為尤長而不及脾胃載治驗有六皆不詳其所用之

藥史例大率如此然而略矣

道士知醫最著名者有崔紫虛僧則有深師荆山浮圖

師慎柔和尚宦官則有羅大無知悌婦女則有胡宗仁



之母徐氏妻李氏醫任死生之重而通性命之微固無人不當學也特非盡人所能學耳

上古俞跗治病能割皮解肌湔洗腸胃漱滌五臟華元化猶傳其術史所稱刳破腹背抽割積聚是也華以後能之者無聞焉雖有弟子吳普樊阿不盡其奧豈神奇之術非其人勿傳歟

續名醫類案卷三十奇疾門錢國賓案注云錢塘人萬歷時人有壽世堂醫案四十則多奇疾乃刻本由杭太史董甫處借得凡三十二字閣本無魏氏家藏本有奇疾門錢論肉行一症可補瘟疫諸書之缺云癸亥冬



山海天行時疫病者頭痛發熱惡心口渴神昏欲寐四肢不舉其肉推之則一堆平之則如故醫有作傷寒者有作時氣者投以發散藥無不加重死者數百時醫師閻部孫及贊畫各傷一僕至乙丑春錢之關門謁太師談次問及曰此症天行時疫名肉行人肉屬土土燥則崩土濕則流其邪感於血脈肌肉不比傷寒所治古今醫集不載止於官邸便方見此異症一款因人血枯而感天時不正之氣當大補血用首烏枸杞歸地等味少加羌活風藥足以應病矣若經發散立死無疑又治足跟響至頭聲如雷診脈五部皆和獨腎芤大舉之始見

按之似無乃腎敗也。腎經自足走頭。腎主骨。腎虛則髓空。空則鳴。所以骨響以六味丸加紫河車膏虎骨膏豬髓枸杞杜仲服之愈。又治兩膊紅十數條。頭粗尾尖。腹大長尺許。闊寸許。曰此青蛇異氣。不急治。蛇形入腹而死。或生大小腿如頭向上。故入腹亦死。以鍼挑破頭尾。使其不走。流出惡血。又研明雄黃。唾調塗患處。內服清涼敗毒散而愈。防風荆芥白芷羌活黃芩黃連金銀花槐子甘草當歸生地各一錢觀此則錢亦當時名手。而今罕有知之者。不有續名醫類案不幾湮沒無傳乎。

古今醫案類按云高果哉先生乃王金壇之高弟準繩





序中所謂嘉善高生隱士也。余童時習聞父老傳誦其治病如神，著有醫林廣見及雜症二書，未曾刊印，得之者珍如拱璧。又有醫案數卷，立方頗多奇巧，然險峻亦難輕試。略選數條以存吾邑文獻。其卷七一條云：魏子一患嘴脣乾燥，自服麥冬一兩，生地四錢，元參二錢，五味一錢，甘草六分，烏梅三個。雖有小效，而病根不去。云此症宜用神水。其法以鉛鎔化，散澆於地，成薄片，取起翦作長條數塊，以一頭鑽眼，懸弔於鍋，鍋內置燒酒，燒酒之上仰張一盆，與鉛片相近，鍋下燃火使酒沸，而氣上沖於鉛片，鉛片上有水滴下盆內，謂之神水，取服。

之以此水從下而上能升腎中之水救上之乾燥也按  
本草綱目所載神水指五月五日午時竹竿中雨水其  
主治亦異此可以補方書之缺特錄之

今人

吾里張雲寰先生

李瀛桐  
鄉縣人

醫學深邃求治者門常如市

余表兄周

士勳

夏日身熱不退脈虛自汗醫用清暑藥

不效先生診之曰口不渴舌少胎且神氣虛弱乃大虛

症也再服清暑藥脫矣投以八珍大補之劑獲愈其子

鐵葫上舍

禾

亦精醫理診病瞻識絕人有鄉農病喘十

餘日服藥不效登門求治令服小青龍湯鄉農有難色



張曰服此藥二劑仍不得臥者余甘任其咎鄉農去家  
人訝其失言張曰彼喘而延至十餘日不死非實症不  
能又何疑焉閱數日鄉農復來則病果瘳矣

臨海洪棻園孝廉

裕封

精醫理嘗言古方書如傷寒金

匱今方書如臨證指南誠能專心玩索診疾自能奏功台  
郡少良醫由於昧所適從僅讀藥性賦湯頭歌括及醫  
宗必讀等書耳其治病每以古方獲效文參軍之于患  
暑症初微惡寒後壯熱汗出噁氣腹痛口乾渴面腫頭  
痛大小便少醫用葛根桔梗製半夏薄荷佩蘭赤苓通  
草杏仁蘆根等藥漸覺氣急神昏棻園診之謂脈大舌

黃是白虎湯症也投一劑諸症皆減改用鮮石斛黃連生甘草金銀花瓜蒌實等味而痊張明經患春溫惡寒發熱喉爛醫用甘桔荆防牛蒡等味病不減菴園投以黃芩湯加連翹殼杏仁一劑獲愈此真善用古方者

嫡兄星槎先生

瀚

少好學以多病兼玩醫書久而精能

宰化縣年老罷官貧不能歸乃懸壺於會城順德縣縣

令徐某之子夏月泄瀉服清暑利濕藥不效漸至發熱不

食神疲息微徐年已暮祇此一子計無所出延兄求治

兄曰此由寒藥傷脾陽虛欲脫宜進溫藥以救之因用

附子理中湯徐疑不敢服兄曰此生死關頭前藥已誤



豈可再誤設此藥有疏虞我當任其咎服藥諸症俱輕  
連進數劑全愈徐大喜傾囊厚贈復爲乞援同寮因得  
全家歸里兄著有製方贅說行世

錢塘呂棹村司馬

震名

官湖北有政聲忽動歸思倚舟

吳門爲人治疾多獲效潘太史

遵祚

病瘳服茵陳湯不

效服平胃散又不效腕中若藏井底泥米飲至前輒噦

呂診之曰濕固是已此寒濕宜溫之與五苓散加附子

藥下咽胸次爽然方氏子傷寒疾革議用牛黃清心丸

呂曰邪在腑上蒙心包開之是揖盜也宜急下存陰投

以犀連承氣湯一服病愈葉氏女週歲遘疾將殆仰臥

胸膈如阜。呻吟拒按。呂曰：此結胸也。服小陷胸湯立效。  
呂酷好醫書，遍覽百家，而一以仲景爲宗。嘗言：仲景傷  
寒立法，能從六經辨症，則雖繁劇如傷寒，不爲多岐所  
誤。而雜症卽一以貫之。其爲醫也，問切精審，不雜一他  
語。立方必起草，閱數刻始安。一家有病者數人，一一處  
之，無倦容。暇輒手自撰論，闡發仲景之學，著有傷寒尋  
源行於世。

青浦何書田

其偉

家世能醫，初爲諸生，專於學。工古今

體詩，未嘗爲醫。自其父元長先生卒，念世業不可無繼，  
稍稍爲之名。大噪有徐姓者，昏熱發狂，力能踰牆屋，何



曰是邪食交結也則其人果以酷暑食水饒飯旋就柳  
陰下臥也以大黃枳實下之而愈金澤鎮某生逾冠未  
婚得狂疾用牛黃清心加味法而屬其家人於煮藥時  
覆女子褻衣於其上兩劑而愈門人疑之何曰是陰陽  
易法吾用之偶驗耳嘗作醫論詩云治病與作文其道  
本一貫病者文之題切脈脈理現見到無游移方成貴  
果斷某經用某藥一味不可亂心靈則手敏法熟用益  
便隨症有新獲豈爲症所難不見古文家萬篇局萬變  
此可見其生平所得力矣

表兄周乙藜學博士照潛研醫理嘗治分水典史王某

之妻兩臂攣不能舉面色黯淡脈沈緩諸藥不效令服活絡丹數服卽愈後以治手臂足腫攣腫之屬寒濕者皆效乙藜之戚張氏婦體弱惡食月信已停八月就診於蘇州名醫何氏診之云是經阻令服通藥乙藜診之曰六脈滑疾右寸尤甚是孕也且必得男以安胎藥與之閱四月果生男

烏程鈕松泉殿撰

福保

之父晴嵐封翁

芳鼎

精外科術

貧者求治不取錢且贈以藥製藥不惜重值拯治危症甚多殿撰尤好岐黃書在京師每爲人治愈危疾嘗治其同年之母高年患痢醫用芍藥湯不效轉益困篤身





熱不食。殿撰詢知病前曾多食蟹。診脈左弦數右數而弱。舌胎中黑。腹痛喜按。力排眾議。專主熱藥。用熟附子八分。炮薑一錢。白芍一錢。吳茱萸五分。焦白朮三錢。茯苓三錢。肉桂八分。炙甘草一錢。砂仁五分。陳皮五分。薑二片。一劑痢稀熱減。去茱萸陳皮加丁香木香。二劑痢止。改用補中益氣湯加附桂炮薑全愈。殿撰有診治醫案一冊名曰春冰集。蓋言慎也。

吳江陳夢琴茂才。希恕。家居蘆墟。其曾祖爲諸生者。名策。得外科秘方於外家潘氏。始爲醫。茂才幼好學。有聲庠序間。壯歲家中落。母令習家學。可養生。兼可治生。乃